



Na osnovu člana 38. Statuta Općine Hadžići ("Službene novine Kantona Sarajevo", broj: 15/09, 17/12, 10/13 i 14/13 – ispravka, 11/18 i 1/20) i u skladu sa Odlukom o izmjenama i dopunama bužeta Općine Hadžići broj 01-02-8742/2023 od 06.09.2023. godine ("Službene novine Kantona Sarajevo" broj 40/23) Općinski načelnik d o n o s i

## **P R A V I L N I K**

### **O SUFINANSIRANJU TROŠKOVA TREĆEG CIKLUSA STUDIJA I TROŠKOVA SPECIJALIZACIJE IZ ZDRAVSTVENIH OBLASTI**

#### **Član 1.**

Pravilnikom o sufinansiranju troškova trećeg ciklusa studija i troškova specijalizacije (u daljem tekstu: Pravilnik) se propisuju uslovi, kriteriji i način dodjeljivanja sredstava iz budžeta Općine Hadžići studentima trećeg ciklusa studija na univerzitetima u Bosni i Hercegovini za sufinansiranje troškova studiranja i specijalizantima iz zdravstvenih oblasti kojima je odobrena specijalizacija na lični zahtjev.

#### **Član 2.**

Sredstva za sufinansiranje troškova iz člana 1. ovog Pravilnika se obezbjeđuju u bužetu Općine Hadžići na organizacionoj jedinici Službe za opću upravu, društvene djelatnosti i zajedničke poslove, vrsta rashoda: sufinansiranje troškova trećeg ciklusa studija i specijalizacije iz zdravstvenih oblasti.

#### **Član 3.**

Za dodjeljivanje sredstava za sufinansiranje troškova iz člana 1. ovog Pravilnika Općinski načelnik putem Službe za opću upravu, društvene djelatnosti i zajedničke poslove objavljuje javni poziv koji se objavljuje na oglasnoj ploči i oficijelnoj web stranici Općine Hadžići.

Javni poziv se objavljuje jednom tokom kalendarske godine ako su u budžetu predviđena sredstva za sufinansiranje troškova iz člana 1. ovog Pravilnika.

#### **Član 4.**

Student trećeg ciklusa studija i specijalizant koji sam finansira troškove specijalizacije iz zdravstvene oblasti može po objavljenom javnom pozivu aplicirati za dodjelu sredstava pod sljedećim uslovima:

- a) da je državljanin Bosne i Hercegovine,
- b) da je tokom drugog ciklusa studija (master/magistarski studij), odnosno prije odobrenja specijalizacije u trajanju od najmanje tri godine imao prebivalište na području Općine Hadžići i da u vrijeme objavljivanja javnog poziva ima prebivalište na području Općine Hadžići,
- c) da je student trećeg ciklusa studija na jednom od univerziteta u Kantonu Sarajevo, odnosno specijalizant u jednoj od zdravstvenih ustanova u Kantonu Sarajevo,
- d) da je prvi put upisan na odgovarajuću godinu trećeg ciklusa studija (da ne obnavlja godinu),

e) da student/specijalizant sam snosi troškove studiranja/specijalizacije.

#### **Član 5.**

Za ispunjavanje uslova iz člana 4. ovog Pravilnika se uz prijavni obrazac prilaže odgovarajuća dokumentacija što se bliže uređuje tekstem javnog poziva.

#### **Član 6.**

Služba za opću upravu, društvene djelatnosti i zajedničke poslove zaprima aplikacije na javni poziv i vrši provjeru ispravnosti dokumentacije.

Aplikanti koji apliciraju na javni poziv, a čija dokumentacija zadovoljava uslove javnog poziva, imaju pravo na dodjelu sredstava iz stava 1. ovog člana u iznosu **do 3.500,00 KM**.

Kandidati tokom trećeg ciklusa studija i tokom specijalizacije mogu samo jednom ostvariti pravo iz stava 2. ovog člana.

Kandidati kojima su u dosadašnjim postupcima uplaćena sredstva na račun fakulteta na ime pomoći za sufinansiranje troškova trećeg ciklusa studija ne mogu ostvariti pravo po javnom pozivu za sufinansiranje troškova trećeg ciklusa studija i troškova specijalizacije.

#### **Član 7.**

Općinski načelnik, putem Službe za opću upravu, društvene djelatnosti i zajedničke poslove donosi Odluku o listi kandidata koji ispunjavaju uslove za dobijanje sredstava za sufinansiranje troškova trećeg ciklusa studija i troškova specijalizacije koja se objavljuje na oglasnoj ploči i oficijelnoj web stranici Općine Hadžići. Sastavni dio ove Odluke je lista kandidata koji ne uspunjavaju uslove javnog poziva.

Prigovor na Odluku iz stava 1. ovog člana se može podnijeti u roku od osam dana od dana njenog objavljivanja.

#### **Član 8.**

Nakon isteka roka i rješavanja po prigovoru, Općinski načelnik objavljuje konačnu listu dobitnika sredstava za sufinansiranje trećeg ciklusa studija i specijalizacije.

#### **Član 9.**

Sa dobitnicima sredstava iz člana 8. ovog pravilnika se zaključuje ugovor kojim se bliže regulišu međusobna prava i obaveze kao i način uplate sredstava.

#### **Član 10.**

Ovaj Pravilnik stupa na snagu danom donošenja i biće objavljen na oficijelnoj web stranici i oglasnoj ploči Općine Hadžići.

Broj: 02-11-3-9785/23  
Hadžići, 09.10.2023. godine

OPĆINSKI NAČELNIK

Hamdo Ejubović, dipl.ing.maš.